

Te puka whakamōhio a Hapori Auaha Aotearoa

Ko te hanga nei, a 'Hapori Auaha Aotearoa' he kaupapa kōtahi nā Toi Aotearoa me ngā mana ā-rohe, ā, e akiaki ana i ngā tāngata o Aotearoa kia uru atu ki ngā mahi toi i tēnā, i tēnā rohe. Kei ia rohe ōna anō tāngata ka tū hei māngai ki te whiriwhiri i ngā tono pūtea.

Ko wai mā ka āhei ki te whakatakoto tono?

Ahakoia tangata takitahi, huihuinga tāngata, whakahaere rānei, ka wātea te katoa ki te tono i tēnei pūtea. Heoi anō, me tino whai tā rātou kaupapa kia uru atu te tini tāngata ki ngā mahi toi. Heoi anō te hunga kāore e whakaaetia kia tono pūtea, ko ngā mana ā-rohe.

Ngā kaupapa mahi e whai huarahi ana

Me tino whai ngā kaupapa mahi ki:

- te titiro hāngai ki ngā toi me ngā tikanga-ā-iwi
- te whakahaere i ana mahi i roto i te tāone, te rohe rānei i tāpaetia te tono, ā, e whai painga ana ki taua rohe, ki taua tāone rānei
- te whakatutuki i tētahi o ngā paearu tuku pūtea e toru
- te whakaputa hua ki ngā hapori ā-rohe
- te āta mea kia kore ia e timata i mua i te wā ka āta tirohia te tono tuku pūtea
- te āta mea kia kore ia e whiwhi pūtea mai i Toi Aotearoa mō taua take anō

Ngā Paearu Tuku Pūtea

Me whai ngā kaupapa mahi me ngā hei mahi ki:

- te whakarahi ake i te uru o te tangata ki ngā toi
- te whakarahi ake i te whānuitanga me te rerenga kē o ngā toi kei te wātea ki ngā hapori
- te whakarei me te whakapakari i te wāhanga toi o te rohe.

E whai huarahi ai te tangata ki ngā āwhina pūtea, me kitea māramatia ngā hua ka puta ki te hapori. Ka pakari kē ake te tono a te tangata memehea he mea tūtohu nā tētahi rōpū o te hapori, tētahi kaituku ratonga toi rānei.

He aha ngā momo kaupapa toi ka tautokona ki tēnei pūtea?

E whakaaetia ana kia kotahi, neke atu rānei ngā momo toi ka noho mai ki te kaupapa, tae atu ki ēnei e whai ake nei: te whakaari, ngā toi ataata, ngā toi ararau, te kanikani, ngā toi Māori tūturu, ngā haratau, te pūoro, te tuhituhi, me ērā atu mahi a te Rēhia.

Mā tēnā, mā tēna mana ā-rohe anō e whakatakoto āna ake whāinga mātāmua, otirā, me te ū ki ēnei paearu whānui.

Ngā momo āwhina e wātea ana

Anei ngā momo āwhina ka taea:

- he pūtea
- he momo taituarā hei kaupare atu i tarepa
- he pūtea taurewa he māmā noa te huamoni hei whakahoki atu.

Ngā hei mahi me ngā kaupapa mahi ka taea te āwhina

- ngā mahi me ngā taurima
- ngā whakapaunga a te tangata mō ngā kaupapa mahi kotahi noa iho
- ngā kaupapa whakawātea wāhi noho whakaakoranga mā te tohunga toi
- ngā hei mahi hāpai i ngā toi
- ngā rawa
- ngā hui me ngā awheawhe
- ngā utauta (eke ana ki te 50 ōrau o te utu hei hoko)
- ngā kanikani e titiro hāngai ana ki ngā toi me ngā tikanga-ā-iwi
- ngā kaupapa hapori e whakahaeretia ana i te kura

Ngā hei mahi me ngā kaupapa mahi kāore e taea te āwhina

- te hoko/whakapaipai whare
- te hoko mahi toi mō tētahi whare toi
- ngā kaupapa toi o roto i te kura e tika ana kia pikautua e te pūtea whakahaere marautanga
- ngā whakapaunga mō ngā mahi whakahaere o ia rā
- ngā utu anga whakamuri mō tētahi mahi toi kua timata i mua atu
- te utu i ngā whakapaunga e pā ana ki ngā nama
- te hoko kai me ērā atu āhuatanga o te manaaki manuhiri
- ngā whakapaunga mō te whakaputa pūtea
- ngā kaupapa mahi ā ngā mana ā-rohe
- ngā utu ā-wiki ki ngā kaimahi
- ngā moni mō ngā paraihe

Ngā Here

Mehemea kua whakawhiwhia koe ki tētahi pūtea Hapori Auaha i mua atu, ahakoia ko tō kotahi rānei, ko tētahi rōpū rānei i whai wāhi atu ai koe, me mātua whakatakoto mai he pūrongo e āta whakamārama ana i pēheatia taua kaupapa, kātahi anō koe ka āhei ki te tono āwhina anō.

Hei Whakatakoto Tono

Me mātua whakaki he puka tono. Kei te kaiwhakahaere ā-rohe mō tēnei kaupapa ngā puka tono. Kia raua mai ngā kōrero katoa e whai ake nei ki roto i te tono:

- he puka whakauru moni i ahu mai i te pēke
- ngā āhuatanga pūtea e pā ana ki tō kaupapa
- he kōrero whakamārama i te kaupapa toi e whakaarotia ana, tae atu ki ngā rā e tū ai, te tokomaha ka whai wāhi atu, me te āhua tonu o te mahi ka mahia me ngā whāinga. Mehemea me utu ngā tohunga toi, ngā kaiako toi rānei ka whai wāhi atu, raua mai he tāhuhu tangata (CV) e whakaahua ana i a rātou, e whakaatu ana anō hoki i te wāhi ki a rātou i roto i tō kaupapa.
- ngā kōrero whakaatu i ngā āhuatanga pūtea e pā ana ki tō rōpū mō te tau pūtea kua pahure ake nei.